

# دليل الحج والمعتمر 8\8 فريد الأنصاري irasnAla diraF

فريد الأنصاري

يمكن لو يأخرو لا بأس بذلك يؤخرو يومين تلتيام ربيعام خمسيام يعني محدو فشهر ذي الحجة وهو عندو الحق يعني تأخرت الطواف دبال الإفاضة وكذلك المرأة المرآة ايلا لقات راسها حاضت مثلا طبعا ما غاديش دير طروف الافاضة وغاديا تسنى حتى تطهر او يعني حتى هي عندها شي عذر من هاد الأعذار لقات الزحام بزاف او - [00:00:00](#)

يعني فيها تعب او كذا من من هاد القبيل فإذا نهار عشرة اذا بغا يدير الإنسان طواف الإفاضة اقول وهو حسن هاديك را هي السنة فعلا فيمكن لهم اذا اذا - [00:00:24](#)

اذا رجم بكري يعني قبل الظهر او من بعد الظهر يمشي يروح لمكة. ويدير طواف الإفاضة طواف الإفاضة بحال داكشي لي بينا في العمرة مكايين تا فرق انما فيه حاجة وحدة ما فيه شاي الاضطباع ما يعريشاي كتفو - [00:00:34](#)  
وديك الجرية لا يرمون في الأشواط الثلاثة وإنما يسعى يعني كيمشي سبعة دالمرات ومن بعد ما كيسعى سبعة دالمرات كيصلي مور اا قام ابراهيم ويسلم على الحجر الأسود كي العادة ويشرب زمزم ويمشي يدير السعي بين الصفا والمروة لأنه لا يجوز الفصل - [00:00:52](#)

بين طواف الافاضة بين اي طواف يعني الى طواف الافاضة ولا طواف القدوم بين طواف الافاضة او طواف العمرة وبين السعي بين الصفا والمروة يعني تكمل هذا خصك تشد هذا فيعتبرون يعني توالي الركبتين واجبا يعني هذا مع هذا باش يكونوا مترابطين هذا واجب - [00:01:12](#)

اذن كيكمل الطواف كيمشي يدير السعي الصفا والمروة وهادشي بيناه في العمرة حرفيا كيعاود يديرو في الحج. هو نفسو كيعاودو فاذا صنع ذلك فقد انهى اعمال حجي ولم يبقى له الا المبيت بمنى ليالي التشريق - [00:01:32](#)  
عندو جوج د النهارات جوج ليالات واجبين ليلة ديال حداش وليلة ديال طنناش وتلطاش ان شاء بغى يزيد طلطاش ميزان مزادشاي لا بأس بذلك فإذن لما كمل حنا باقين كلشي هاد الخدمة ديال عشرة ديال نهار العيد كمل طواف الإفاضة خصو يرجع لمنن بيات فممن ديك الليلة ديال العشرة للصباح حداش - [00:01:49](#)

عندو قلنا حداش طنناش تلطاش يدوزوهم في منى يمكن لو يدير حداش طنناش عشية ديال طنناش يروح فحالو لمكة يكمل ميزيدش تلطاش الى بغا مكايين باس شنو كيدير فهاد الأيام الثلاثة الا دوز تلتيام - [00:02:11](#)

او في اليومين الى دوز يومين في منى عندو الدين ديالو العام لي هو الصلوات الخمس والخدمة ديال الحج يعني الكماله ديال الحج تتمه وهي من الاعمال الواجبة الى مشايينين لا ماشي ركن لا واجبة يعني لان الركن ما كيتجبرش - [00:02:24](#)  
والواجب الى غلط فيه ولا ماداروش كيتجبر يذبح يجبرو بدم هدا من الواجبات هاد الرمي ديال الجمرات اذن هداك النهار ديال حداش طنناش تلطاش هاد الايام هادي عندو خدمة وحدة وهي هادوك ثلاثة ديال الاحواض ثلاثة ديال الحفاري ثلاثة ديال الحفاري هادي راه مكيكون فيها زحام - [00:02:41](#)

راه الزحام كايين في الجمرة نهار العيد. ديك ديال عشرة. جمرة العقبة بوحدها ذاك النهار بوحدو فيه الزحام. لأنه كايين واحد العدد ديال المذاهب وديال الدول اللي كيدوزو هو ما غير عشرة وكيمشيو فحالهم ما عندهمش هو ما في المذهب ديالهم لا حداش ولا طنناش ولا تلطاش يعني الايرانيين - [00:03:00](#)

الشيوعي مافيهش هاد الخدمة كاع كلها ماكيعمروش وهما كتار كيوخوبو الدنيا ويخليو الدنيا مرتاحة ولذلك فعلا يعني عندك سبعة ديال

الحصيات لديك الحفرة اللولة وسبعة ديال الحصيات للحفرة الثانية وسبعة ديال الحصيات. الحفرة الثالثة - [00:03:19](#)

كل حفرة كترمي فيها حصية تكبر الله اكبر وترمي واحدة وخصك تشوف الحجيرة دياك بأنها طاحت فالحوض طاحت فداك الغار حوض كبير ايلما مشاتي ضربتها وضربت الحوض او خرجت ما هبطتش او ما جاتش كاع ما شدتش نيشان عاودها - [00:03:37](#)

مزيان يكون عندك الزيت ديال الحجر وحسب حسب يعني حسب واحد اثنين ثلاثة. يعني الله اكبر حسب بيدك او شي طريقة من الطرق باش تعرف بلي راك درت سبعة مادرتشاي تمنية ولا مادرتشاي ستة او خمسة - [00:03:59](#)

اذن من بعد ما كتكمل يعني ديك ديك الحوض الأول كترمي فيه سبعة ديال الحصيات كتعطيه بالظهر وتستقبل القبلة وتهز يدك طلب الله سبحانه وتعالى من الدعاء ما شئت وتزيد للتانية عاود ترجمها بسبعة بالتكبير - [00:04:13](#)

وتعطيه بالظهر وتشد القبلة وتهز يدك وطلب الله سبحانه وتعالى. وتزيد للتالثة اذا الاولى من بعدما كتكمل فيها الدعاء. الثانية من بعدما كتكمل فيها الدعاء الثالثة من بعدما كتكمل ما فيهاش الدعاء. قبط الطريق - [00:04:30](#)

لأنه هاديك هي السنة وثانيا هداك راه الطريق خوي الموضع للناس باش الناس كيمشيو اذن هذا الخدمة ديال النهار الاول فوقاش كترجم من بعد الظهر يعني السنة ديال جمرة العقبة نهار العيد كترجم السنة قبل الظهر ويجوز بعد الظهر قلنا حتى الليل هادي السنة ديالها - [00:04:44](#)

بعد الظهر حتى يودن الظهر وتسمع الاذان ديال مسجد الخيف راه كيودن مكبر الصوت عاد تمشي ليها يمكن لك تصلي عاد تمشي يمكن لك تمشي ترجمها قبل ما تصلي انت حر. لكن من بعد الاذان - [00:05:07](#)

والوقت كلو العشية كلها دياك حتى ليل دياك. وبالتأكيد ما فيهاش الزحام هاد حداث طناش تلطاش مافيهم زحام ولي خلا قاع يعني نقولو حتا من بعد العصر يعني تقريبا لا يكاد يجد احدا - [00:05:20](#)

بعد العصر كتخوي الدنيا سبحان الله العظيم. لا نهار حداث ولا يعني ايام التشريق را ما فيهاش مشكل. راه المشكل الوحيد اللي كاين هو نهار عشرة والناس كيشددو على روسهم. ربي تعالى وسع - [00:05:33](#)

قالك لي ماقدشاي قبل الظهر يدير من بعد الظهر ما كفاكشي من بعد الظهر قدامك الليل انما اللي ما بغاش يزيد نهار تلطاش راه كيخصو يخوي ممن في العشية ديال طناش قبل ما تغرب الشمس - [00:05:45](#)

راه ايلما غربت عليه الشمس او هو مزال جالس في ممن خصو يزيد تلطاش ما عدا فحالة وحدة ايلما هو ركب فالكار ولا فالطاكسي قبل غروب الشمس ولكن داك الكار ما قلش بقا قاعد تما حتى ودنت المغرب لا بأس بذلك لأن - [00:05:58](#)

اللي ركب ولا محسوب على مكة. ما بقاش محسوب على منى. لأن ماشي الأمور ماشي بيدو. وفعلا في بعض الأحيان كيكون الزحام ما كيوصلش داكشي. ما كيقلش داكشي حتى كيودن المغرب عليك. ما عندك ما دير - [00:06:14](#)

المشكل هو مزال مالك باقي كدور هنا وتشوف هادي وتجمع هادي الى اخره. تا وذن عليك المرض ما عليك الا تبات هاديك الساعة فإذا هذه خلاصة الأمر يعني اللي كان دار طواف الإفاسة وزاد ليه التعب بين الصفا والمروة انتهى الحج هاديك الساعة كتروحو لمكة - [00:06:24](#)

اش كيبقاو قدامك ؟ كتبقى الصلوات الخمس يمكن يعطيك نهار يومين تلتيام عشر ايام على حساب نظام الرحلة في مكة. ما حدك في مكة ونتا تصلي الصلوات الخمس في المسجد الحرام - [00:06:42](#)

نهار يقولو لكم اليوم غادي نقلعو او غدا غادي نقلعو عندك واحد الخدمة سميتها طواف الوداع اخر عهد بينك وبين المسجد الحرام تودع المسجد الحرام بطواف الوداع مافيهشاي السعي بين الصفا والمروة في غي طواف سبعة د الاشواط - [00:06:52](#)

وسير فحالك الله يجعل البركة هداك هو وداع ديال البلاد كلها وكتمشي نيشان للسيارة او للكار باش تمشيو فحالكم للزيارة بالمسجد النبوي بالمدينة او كترجعو للطائرة لي كانوا سبقو الزيارة كترجعو لجدة باش تركبو بالطائرة - [00:07:10](#)

خلال هادشي كلو كاين واحد الطواف كيتسمى طواف التطوع طواف التطوع يعني فينما رشق لك بالليل بالنهار بالضحي قبل الفجر من بعد الفجر فالجوج فالليل الثلاثة فالليل في اي لحظة من اللحظات - [00:07:25](#)

شئت ووجدت نشاطا في بدنك لك ان تطوف تضاف تطوع انما طواف التطوع عندو شروط شنهاي الشروط ديالو؟ سبعة تمشي دير

ثلاثة تقول باراكا عليا. ها شي وحدين كيديرو هاد الخدمة هادي. دير خمسة بركة - [00:07:39](#)

لا سبعة درت الطواف ودرت الطواف بحقو وطريقو. ما فيهشاي السعي بين الصفا والمروة. لا غير الطواف. تطوف انتهى لا مكايين

احرام اه بالسوب السوب ديالك العادي البس المخيط. الإحرام فضينا منو نهار عشرة - [00:07:53](#)

نهار عشرة حنا قلنا حسنت راسك قلعت حوايجك طواف الافاضة طواف الافاضة لركن من اركان الحج كديروه بحوايجك العاديين ما

كديروشاي بالاحرام كاينة واحد النازلة فقهية كيمنك انت كطوف تطوع ولا فرض او ركن من الأركان لي هو طواف الإفاضة -

[00:08:11](#)

الصلاة ظهر او عصر او مغرب او عشاء او فجر. شوف الظروف فاش جابتك نتا هاديك الساعة من بعد الأذان كتكمل الطواف ديالك

كتزيد حتى تقام الصلاة ملي تقام الصلاة الموضعة شراك ووقف - [00:08:31](#)

لأنه المسجد داك الصحن كلو كيولي صفوف ما ترفدشاي الهم للصوص كي غادي شي يوقع لو الموضع فاش شراك غتلقى راسك راك

فالصف مشكل تلقائي يمكن كاع تزيد واحد الخطوة القدام ولا خطوة اللور هانتا فالصف - [00:08:47](#)

كتصلي في موضعك الفريضة لما يقولوا السلام عليكم كمل الطواف ديالك على الحساب لي عندك عندك خمسة زيد ستة سبعة عندك

ثلاثة زيد كمل عندك ربعة او نص كمل النص يعني حيثما انت فأنت في عدك الذي كنت فيه والله - [00:09:00](#)

والسلام عليكم ورحمة الله وبركاته - [00:09:17](#)